



NARATIVNI IZVJEŠTAJ O PROJEKTU „SVJEDOČANSTVO – ISTINA ILI POLITIKA” U HISTORIJSKOM MUZEJU BIH

U Historijskom muzeju BiH je od 6. marta do 6. aprila 2018. godine predstavljena izložba *SVJEDOČANSTVO – ISTINA ILI POLITIKA: Koncept svjedočanstvo u komemoraciji jugoslovenskih ratova*. Prikazivanje izložbe bosanskohercegovačkoj publici je rezultat uspostavljene saradnje između Historijskog muzeja BiH i Centra za kulturnu dekontaminaciju.

Historijski muzej BiH istražuje i otvara brojna pitanja iz recentnije historije Bosne i Hercegovine. Muzej je u potpunosti otvoren široj društvenoj zajednici i služi kao prostor za dijalog. Izložba *SVJEDOČANSTVO – ISTINA ILI POLITIKA: Koncept svjedočanstvo u komemoraciji jugoslovenskih ratova* je u Historijskom muzeju BiH otvorila mogućnost kritičkog dijaloga kroz umjetnost kao sredstvo komunikacije. Izložba i izuzetno značajni arhiv su poslužili kao platforma za popratne aktivnosti (performansi, razgovori s umjetnicima, kustoska vođenja). U muzeju su tom prilikom organizirani:

- *Rat, veterani i jugoslovenska srednja klasa u Beču: priče iz dijaspore* - razgovor sa umjetnikom Aleksandrom Nikolićem
- *Private Photography* – prezentacija istraživanja i razgovor sa autorima: Friedrich Tietjen i Herbert Justnik
- Performans *Conflict Syntax* Lale Raščić

Izložbu je posjetilo 1 200 posjetitelja. Više od 15 medijskih priča o izložbi potvrda je interesa bosanskohercegovačke javnosti za ovaj projekat. Izuzetno je značajna ostvarena saradnja sa profesorima i studentima Fakulteta političkih nauka u Sarajevu koja je omogućila studentima da kroz različite aktivnosti upoznaju umjetnost i muzejsku praksu kao medij u procesu suočavanja sa prošlošću.